

տաւորին , Քաղաքապետին և այլոց՝ որոացեալ էր 'ի կողմն Յունաց եւ յագեալ : Պատրաստեցաւ 'ի չու եւ Ոստիկան Կուսակալին՝ յառաջ բերեալ զմիջնորդութիւն իւր առ Բդեշխն վասն Հայոց , չարտրիլ 'ի բանից Յունաց . զարտուղի գրել 'ի Դուռն , եւ զպարտաւորին առաջի Արքայի : Հայք ետուն զվարձ ծառայութեան Խօճաքեանին յորդորմամբ Մուվէլլային . զկնի բազում վիճմանց և խռովութեանց հոգալով և զայլ կարեւոր պէտս նորին , որդւոյն և ծառայիցն : Էառ նաեւ Ոստիկանն . հոգացին զծառայութիւն ձարտարապետին , զխտութեամբ Նուրի Էֆէնտեայ . զի արդարութեամբ կատարեաց զգործ իւր 'ի չափելն և 'ի քննելն : Իսկ Նուրի Էֆէնտի կարգաւորեաց զտունար քննութեան և որոշեաց զծախսն Հայոց վասն շինութեան տեղեաց նոցին , որ է 34,516 դահեկան 20 փարայ և 6 ստակ . իսկ բովանդակ ծախուց գումարն է 4,141,986 դահեկան : Դրեաց Իլամ առ Տէրութիւնն վասն կատարեալ և անկատար գործոց , և յետ կնքելոյ զնոսա , ետ կնքել նաեւ Դատաւորին , և պատրաստեաց զայլ գրեանս առ այլ և այլ անձինս , յորս յայտնի ցուցանէր զհաւատարմութիւն ձարտարապետին . իսկ զտարաժամ վերադարձ Խօճաքեանին՝ ինքեան հարցանել ասէր . զայսոսիկ գրեանս յանձն արար Նուրի՝ ձարտարապետին , զորմէ Հայք եւս գոհութեամբ գրեցին : Արդ՝ սոքա ամենեքեան անձինք իբրեւ 38 մեկնեցան յերուսաղէմէ 'ի Դամասկոս ('ի 10 Յուլիսի) :

Իսկ Նուրի Էֆէնտի մնացեալ միայն յերուսաղէմ՝ սկսաւ գրել առ Զէքի Էֆէնտի բարերար իւր զամենայն հանդամանս գործոյն 'ի սկզբանէ մինչեւ ցօր մեկնելոյ նոցա յերուսաղէմէ , զհակառակութիւն Դատաւորին , զխարդախութիւն Խօճաքեանին , զպակաս և 'ի Յունաց զգողացեալ տեղիս Հայոց 'ի Ս . Յարութեան , այլովքն հանդերձ , և անհնարին 'ի գլուխ ելանել գործոյն առանց հրովարտակի , որոյ վասն իսկ սպասէր . գրեցին նաեւ Պատրիարքն և միաբանք առ գլխաւորս ազգին պարագայիւք ('ի 21 Յուլիսի) : Երանի թէ յայսմ ամի եւս մնացեալ էր Արքունի հրովարտակն ասէին՝ զի անկեալ էին 'ի ներքոյ բազմադումար պարտուց . զայսոսիկ գրեանս յանձն արարին Ագամ Գալֆային և միաբան Սարգսին , ընդ որս էր եւ բարեպաշտուհի Խաթուն